

Viðmið Skautasambands Íslands

2024-2025



Skautasamband Íslands
www.iceskate.is

Icelandic Skating Association
info@iceskate.is

<u>1</u>	<u>HLUTVERK AFREKSNEFNDAR.....</u>	<u>2</u>
<u>2</u>	<u>HÓPAR OG VIÐMIÐ ÍSS 2024-2025.....</u>	<u>2</u>
2.1	VIÐMIÐ AFREKSHÓPS	2
2.1.1	AFREKSHÓPUR MEÐ ISU VIÐMIÐ.....	2
2.1.2	AFREKSHÓPUR ÍSS.....	2
<u>3</u>	<u>VAL Í LANDSLIÐ OG Á MÓT MEÐ FJÖLDATAKMARKANIR.....</u>	<u>3</u>
3.1	ÍSLANDSMEISTARAMÓT ÍSS	3
3.2	VIRK KEPPNISÞÁTTAKA.....	3
3.3	ÞÁTTAKA Í VERKEFNUM AFREKSHÓPS ÍSS.....	3
3.4	INNIHALD PRÓGRAMMA	3
3.4.1	EFTIRFARANDI GILDIR FYRIR MAT Á INNIHALDI PRÓGRAMMA	4
3.5	ÞÆTTIR SEM KOMA TIL ÁLITA OG STIGAGJÖF	4
3.6	DÆMI UM STIGAGJÖF.....	5
<u>4</u>	<u>MÓT SEM ERU METIN TIL VIÐMIÐA.....</u>	<u>5</u>
4.1.1	SKIL Á PROTOCOLUM.....	5
<u>5</u>	<u>KEPPNISÞÁTTAKA</u>	<u>6</u>
5.1.1	ÞÁTTAKA Á GILDUM MÓTUM	6
5.1.2	ÞÁTTAKA Á ALÞJÓÐLEGUM FÉLAGAMÓTUM (E. INTER-CLUB).....	6
5.1.3	SKIPTING Á MILLI KEPPNISFLOKKA.....	6

Stjórn Skautasambands Íslands, hér eftir ÍSS, gefur út viðmið fyrir afrekshópa við val á keppendum í landslið og þátttöku íslenskra keppenda á opnum mótum á vegum Alþjóða Skautasambandsins (ISU). Afreksnefnd vinnur eftir reglugerð ÍSS um fastanefndir.

1 Hlutverk afreksnefndar

Hlutverk afreksnefndar er útlistað í reglugerð ÍSS nr. 203 um afreksnefnd.

2 Hópar og viðmið ÍSS 2024-2025

Í afreksstefnu ÍSS er farið yfir stuðning ÍSS við skautara í afrekshópi (sjá afreksstefnu ÍSS).

2.1 Viðmið afrekshóps

Öllum keppendum ÍSS í ISU flokkum er raðað upp á styrkleikalista út frá eftirfarandi atriðum:

- Heildareinkunn (Total Score)
- Innihaldi prógrams
- Keppnisreynsla
- Þátttöku í afreksverkefnum ÍSS

2.1.1 Afrekshópur með ISU viðmið

Lágmarkseinkunnir í stuttu og frjálsum prógrammi inn í afrekshóp eru alþjóðleg lágmark gefin út af ISU. Þessar einkunnir veita keppnisrétt á stórmót ISU. Nánari upplýsingar má finna í minnisblaði gefnu út af ISU (e. Communication)

Afrikshópur	Stutt prógram (TES)	Frjálst prógram (TES)
Senior Women	25.00	42.00
Senior Men	28.00	46.00
Junior Women	25.00	40.00
Junior Men	25.00	44.00

* Lágmark fyrir Evrópumeistaramót ISU og Heimsmeistaramót unglinga

Í flokkum Junior og Senior þurfa keppendur að ná alþjóðlegum ISU viðmiðum í bæði stuttu og frjálsum prógrammi á ISU móti. Ekki þarf að ná viðmiðum fyrir stutt og frjálst prógram á sama móti. Viðmiðum skal náð 28 dögum fyrir umrædd stórmót.

2.1.2 Afrekshópur ÍSS

Í flokkum Advanced Novice, Junior og Senior þurfa keppendur að ná viðmiðum fyrir afrekshóp í heildareinkunn (Total Score) til að geta sótt um í Afrekssjóð ÍSS. Ná þarf viðmiðum a.m.k. einu sinni yfir keppnistímabil.

Afriksefni	Kvennaflokkar	Karlaflokkar
Senior	110	130
Junior	90	100
Advanced Novice	65	65

Þeir skautarar sem náðu viðmiðunum á síðastliðnu keppnistímabili geta áfram sótt styrki í Afrekssjóð ÍSS á næsta tímabili. Þetta á einnig við um þá keppendur sem flytjast á milli keppnisflokka þ.e. úr Advanced Novice í Junior og úr Junior í Senior.

Skautari telst keppandi í keppnisflokki þegar hann hefur lokið keppni í viðkomandi flokki á gildu móti. Mótið skal uppfylla kröfur reglugerðar nr. 302 um gild mót.

3 Val í landslið og á mót með fjöldatakmörkanir

Við val keppenda í landslið og/eða á mót sem eru á lista ISU eða alþjóðleg mót á vegum ÍSS er litið til eftirfarandi þátta þegar raðað er á styrkleikalista hverju sinni.

3.1 Íslandsmeistaramót ÍSS

Þátttaka á Íslandsmeistaramóti er skilyrði. Skila þarf inn læknisvottorði ef skautari keppir ekki vegna veikinda eða meiðsla en vill koma til álita við val á mót.

3.2 Virk keppnisþátttaka

Keppendur þurfa að sýna fram á virka keppnisþátttöku á tímabilinu. Virk keppnisþátttaka telst að lágmarki eitt mót á haustönn og eitt mót á vorönn. Mót sem telja til virkrar keppnisþátttöku eru þau sem uppfylla kröfur í reglugerð 302. Ætlast er til að keppendur keppi á öllum mótum á vegum ÍSS á keppnistímabili, falli þátttaka niður þarf að upplýsa nefndina um ástæður forfalla.

3.3 Þátttaka í verkefnum afrekshóps ÍSS

Keppendur skulu taka þátt í öllum afreksverkefnum ÍSS. Skautasamband Íslands fær styrki úr afrekssjóði ÍSÍ ef kröfur um virka afreksstefnu og þátttöku keppenda í afreksstefnu sambandsins eru uppfylltar. Það er því nauðsynlegt fyrir ÍSS að keppendur, sem teljast til afrekshóps, taki þátt í afreksstarfi ÍSS.

Eftirfarandi verkefni verða á dagskrá á vegum ÍSS:

- Fræðsluerindi
- Æfingabúðir
- Viðtal við sjúkrapjálfa á vegum ÍSS
- Viðtal við afreksnefnd
- Markþjálfun og markmiðasetning

3.4 Innihald prógramma

Litið er til innihalds beggja prógramma samkvæmt keppnisreglum. Einnig verður litið til eftirfarandi atriða eftir keppnisflokkum:

Advanced Novice

- Meðaltal heildareinkunnar úr öllum keppnum yfir keppnistímabilið
- Hversu margar tegundir stökka er skautari að sýna umfram skyldustökk (3S/3T/3Lo/3F/3Lz). Hver tegund stökks er talin einu sinni.
- Píróettur með erfiðleikastig 3 (hámark 3 metnir)
- Sporasamsetning (StSq) með erfiðleikastig 2

Junior

- Meðaltal heildareinkunnar úr öllum keppnum yfir keppnistímabilið
- Hversu margar tegundir stökka er skautari að sýna umfram skyldustökk (3S/3T/3Lo/3F/3Lz/3A). Hver tegund stökks er talin einu sinni.
- Píróettur með erfiðleikastig 3 (hámarki 3 metnir)
- Sporasamsetning (StSq) með erfiðleikastig 3

Senior

- Meðaltal heildareinkunnar úr öllum keppnum yfir keppnistímabilið
- Hversu margar tegundir stökka er skautari að sýna umfram tvöföld stökk (3S/3T/3Lo/3F/3Lz/3A/4T/4S). Hver tegund stökks einungis talin einu sinni.
- Píróettur með erfiðleikastig 4 (að hámarki 3 metnir)
- Sporasamsetning (StSq) með erfiðleikastigi 3

3.4.1 Eftirfarandi gildir fyrir mat á innihaldi prógramma

- Stökk með GOE -5 eða << eru ekki talin uppfyllt element nema annað sé sérstaklega tekið fram.
- Píróettur með GOE -3 eru ekki taldir vera uppfyllt element.
- StSq með GOE -3 er ekki talið vera uppfyllt element

3.5 Þættir sem koma til álita og stigagjöf

Stig eru gefin fyrir hvern þátt sem hér segir að undanskildu ákvæði um þátttöku á Íslandsmeistaramóti, virka keppnisþátttöku og virka þátttöku í verkefnum ÍSS. Fyrir TES viðmið þá er horft á gild mót síðastliðna 12 mánuði.

Hér má finna alla þá þætti sem koma til álita við val í landslið og/eða við val á ISU móti.

- Þátttaka á Íslandsmeistaramóti (sjá 3.1)
- Virk keppnisþátttaka á keppnistímabili (Sjá 3.2)
- Virk þátttaka í verkefnum afrekshóps ÍSS (Sjá 3.3)
- Uppfyllt ÍSS viðmið um heildarstig (TS) um afrekshóp ÍSS (Sjá 2.1)
- Meðaltal af heildareinkunn móta síðastliðinna 12 mánaði (Total Score) (ekki er sama mót reiknað tvisvar sinnum). Meðaltal skilur aðeins á milli skautara ef þeir eru jafnir á ofantöldum stigum.

ÍSS áskilur sér rétt til þess að kalla eftir læknisvottorði (ekki eldra en 6 vikna) um keppnishæfi og skal því skilað til afreksnefndar þremur vikum fyrir áætlaða keppni.

Val fer einungis fram ef ÍSS á takmörkuð pláss, eða svokallaðan kvóta, á mót og ef ÍSS óskar eftir styrkleikaröðun fyrir ákveðin verkefni.

3.6 Dæmi um stigagjöf

Skautari A keppir í Junior flokki og framkvæmir eftirfarandi element á tilteknu móti

- Stökk: 2Lz, 2F, 2Lo, 2T, 2A, 3S
- Píróettur: CCoSp3, CSp2, FSSp4
- Sporasamsetning: StSq2

Skautari B keppir í Junior flokki og framkvæmir eftirfarandi element á tilteknu móti

- Stökk: 2Lo, 2F, 2Lo, 2A, 3S, 3Lo, 3T
- Píróettur: CCoSp4, CSp4, FSSp4
- Sporasamsetning: StSq3

Sjá má dæmi um stigagjöf fyrir element skautara A og B í töflu hér fyrir neðan.

Framkvæmt element umfram lágmarkskröfur	Skautari A	Skautari B
3T / 3S / 3Lo / 3F / 3Lz	1	3
Spin 1 (> level 3)	CSp3	LSp3
Spin 2 (> level 3)	FSSp3	FSp3
Spin 3 (> level 3)	0	CcoSp3
StSq (> level 3)	0	StSq3
Fjöldi stökka alls	1	3
Fjöldi spinna	2	3
Sporasamsetning	0	1
Einkunn elementa	3	7
Þátttaka í afreksverkefnum ÍSS	1	0
Íslandsmeistaramót	1	1
Samtals stig	5	8

4 Mót sem eru metin til viðmiða

Protocol frá gildum mótum samkvæmt reglugerðum ÍSS verða metin til viðmiða. Öll protocol frá ÍSS og ISU mótum munu sjálfkrafa vera skoðuð og metin. Sjá reglugerð ÍSS nr 302 um gild mót.

4.1.1 Skil á protocolum

Senda þarf inn beiðni um mat á protocol og yfirlit yfir dómara fyrir alþjóðleg og opin félagamót til afreksnefndar innan tveggja vikna frá viðkomandi móti vilji skautari fá það metið til viðmiða. Senda skal inn úrslitasíðu protocols, þ.e. fyrsta síðan, eða link á úrslit móts. Keppandi (18 ára og eldri) / forráðamaður ber ábyrgð á því að senda allar viðeigandi upplýsingar og fylgigögn á afreksnefnd@iceskate.is. Afreiðslutími erinda er tvær vikur.

5 Keppnisþátttaka

5.1.1 Þátttaka á gildum mótum

Hægt er að óska eftir því til ÍSS að einstaklingur í flokki afrekshóps/afreksefna fái að taka þátt á gildu móti sbr. reglugerð ÍSS nr 302 . Afreksnefnd metur viðkomandi keppendur í samræmi við styrkleika mótsins sem sótt er um þátttöku á. Skautari telst keppandi í keppnisflokki þegar hann hefur lokið keppni í þeim flokki á gildu móti. Mótið skal uppfylla kröfur reglugerðar 302 um gild mót.

Þjálfari og keppandi (18 ára og eldri)/fórráðamaður bera ábyrgð á því að senda allar viðeigandi upplýsingar og fylgigögn á afreksnefnd@iceskate.is. Ósk um þátttöku þarf að berast 3 vikum fyrir lokaskráningu viðkomandi móts. Ef ÍSS fær úthlutað takmörkuðum fjölda á mótið þarf val og styrkleikaröðun að fara fram áður en að skráningu kemur og því mikilvægt að tímamörk séu virt. Athuga skal að ef alþjóðlegt mót er haldið á Íslandi, telst það vera hluti af mótum á ISU lista.

5.1.2 Þátttaka á alþjóðlegum félagamótum (e. Inter-Club)

Þátttaka íslenskra keppenda á öllum mótum erlendis skal tilkynnt til Skautasambands Íslands. Ef óskað er eftir því að protocol mótsins séu tekin til greina eftir þátttöku skal fylgja lið 4.1.

5.1.3 Skipting á milli keppnisflokka

Þegar skautari færir upp um keppnisflokk þarf hann að uppfylla öll skilyrði afreksnefndar um viðkomandi keppnisflokk áður en hægt er að sækja um keppni á alþjóðlegu móti.